

## ԱՄՓՈՓԻՉ ՏԵՂԵԿԱՆՔ

### Հայաստանի Հանրապետության Ազգային ժողովի III գումարման VII նստաշրջանի արդյունքների մասին (06.02.06թ. - 14.06.06թ.)

Հայաստանի Հանրապետության Ազգային ժողովի երրորդ գումարման յոթերորդ նստաշրջանի ընթացքում գումարվել է 5 քառօրյա, 1 եռօրյա և 1 մեկօրյա նիստ: Նստաշրջանի ընթացքում (մայիսի 31-ին) ՀՀ ԱԺ պատգամավորների նախաձեռնությամբ գումարվել է նաև 1 արտահերթ նիստ:

Նստաշրջանի սկզբում հաստատված օրակարգում ընդգրկված էր 75 հարց, որից 38-ը ՀՀ Կառավարության օրենսդրական նախաձեռնություններն էին, 27-ը՝ ԱԺ պատգամավորներինը, իսկ 10-ը՝ ՀՀ Սահմանադրությամբ և օրենքներով նախատեսված պարտադիր քննարկվող հարցեր: Հետագայում նստաշրջանի օրակարգը լրացվեց ևս 61 հարցով, որից 45-ը ՀՀ կառավարության նախաձեռնություններն էին, 14-ը՝ ԱԺ պատգամավորներինը, իսկ 2-ը ՀՀ Սահմանադրությամբ և օրենքներով նախատեսված պարտադիր քննարկվող հարցեր էին, այդ թվում ՀՀ Նախագահի առարկություններն ու առաջարկությունները «ՀՀ քրեակատարողական օրենսգրքում փոփոխություններ և լրացում կատարելու մասին» և «ՀՀ քրեական դատավարության օրենսգրքում փոփոխություն կատարելու մասին» ՀՀ օրենքների վերաբերյալ:

Նստաշրջանի ընթացքում ՀՀ Կառավարության և ԱԺ պատգամավորների հեղինակած 3 նախագծեր միացվեցին և քննարկվեցին որպես համատեղ մշակված նախագծեր: Դրանք են՝ «Քաղաքացիական ծառայության մասին» ՀՀ օրենքում փոփոխություն կատարելու մասին», «Ինովացիոն գործնեությանը պետական աջակցության մասին» և «Քրեական դատավարության օրենսգրքում լրացումներ և փոփոխություններ կատարելու մասին» ՀՀ օրենքները: Կառավարության 2 նախագիծ միացվել է և II ընթերցմամբ ու ամբողջությամբ ընդունվել որպես մեկ նախագիծ (ՀՀ քրեական օրենսգրքում փոփոխություններ և լրացում կատարելու մասին):

ՀՀ Կառավարության ներկայացրած նախագծերից 14-ը ՀՀ Կառավարության որոշմամբ անհետաձգելի համարված օրինագծեր էին:

Նստաշրջանի օրակարգում ընդգրկված 136 հարցերից 124-ը օրենքների նախագծեր էին, որոնցից նստաշրջանի ընթացքում քննարկվել են 70-ը: Դրանցից 6-ը ընդունվել են առաջին ընթերցմամբ (4-ը կառավարության նախաձեռնություններն էին, 2-ը՝ ԱԺ պատգամավորներինը), 3-ը՝ երկրորդ ընթերցմամբ (բոլորն էլ ՀՀ կառավարության նախաձեռնություններ էին), 56-ը՝ երկրորդ ընթերցմամբ և ամբողջությամբ (47-ը՝ ՀՀ կառավարության, 7-ը ԱԺ պատգամավորների, 2-ը՝ ՀՀ Կառավարության և ԱԺ պատգամավորների համատեղ նախագծեր), 5-ը՝ երրորդ ընթերցմամբ և ամբողջությամբ (3-ը՝ ՀՀ Կառավարության, 1-ը՝ ԱԺ պատգամավորների, իսկ 1-ը՝ ՀՀ կառավարության և ԱԺ պատգամավորների համատեղ նախագծեր):

«Ֆիզիկական անձանց գույքի և եկամուտների հայտարարագրման մասին» և «Եկամտահարկի մասին» ՀՀ օրենքում փոփոխություններ կատարելու մասին», «Կազմակերպությունների և անհատ ձեռնարկատերերի կողմից ներմուծվող մաքսատուրքի 0 տոկոս դրույքաչափ ունեցող և ակցիզային հարկով հարկման ոչ ենթակա այն ապրանքների ցանկը հաստատելու մասին, որոնցից ավելացված արժեքի հարկը մաքսային մարմինների կողմից չի հաշվարկվում և գանձվում» ՀՀ օրենքում փոփոխություններ կատարելու մասին» և «Ավելացված արժեքի հարկի մասին» ՀՀ օրենքում լրացումներ կատարելու մասին», «Գովազդի մասին» ՀՀ օրենքում փոփոխություններ և լրացում կատարելու մասին» և «Տեղական տուրքերի և վճարների մասին» ՀՀ օրենքում փոփոխություն կատարելու մասին» ՀՀ օրենքների նախագծերի փաթեթների և «ՀՀ քրեական օրենսգրքում փոփոխություններ և լրացումներ կատարելու մասին» ՀՀ օրենքի նախագծի ընդունումը մերժվեց ԱԺ-ի կողմից, սակայն դրանք լրամշակվելուց հետո կրկին դրվեցին շրջանառության մեջ և նստաշրջանի ընթացքում ընդունվեցին որպես օրենք:

Շրջանառությունից հանվեցին 15 օրենքների նախագծեր, որոնցից 4-ը նստաշրջանի օրակարգ չընդգրկվելու պատճառով, 8-ը՝ քառօրյա նիստերի օրակարգ: ՀՀ Կառավարության հեղինակած ևս 1 նախագիծ և 2 նախագծերի փաթեթ հանվեցին շրջանառությունից՝ քննարկման անհրաժեշտությունը վերանալու պատճառով:

Ամբողջությամբ ընդունված 61 օրենքներից 50-ը ՀՀ կառավարության նախաձեռնություններ էին, 8-ը՝ ՀՀ ԱԺ պատգամավորներից, 3-ը՝ ՀՀ Կառավարության և ԱԺ պատգամավորների համատեղ նախագծեր էին:

Ընդունված 61 օրենքներից 5-ը մայր օրենքներ էին (3-ը՝ ՀՀ կառավարության նախաձեռնություններն էին, 1-ը՝ ԱԺ պատգամավորների, 1-ը՝ ՀՀ Կառավարության և ԱԺ պատգամավորների համատեղ նախագծեր էին), իսկ 56-ը գործող օրենքներում փոփոխություններ և լրացումներ (47-ը՝ ՀՀ կառավարության, 7-ը՝ ԱԺ-ի պատգամավորների, իսկ 2-ը՝ ՀՀ Կառավարության և ԱԺ պատգամավորների համատեղ նախագծեր էին):

Ամբողջությամբ ընդունված 61 օրենքներից 24-ը ունեն ֆինանսատնտեսական ուղղվածություն, 4-ը՝ սոցիալական, բնապահպանական և առողջապահական նշանակություն, 20-ը՝ իրավական դաշտից են, 4-ը վերաբերում են գիտական, կրթական և մշակութային ոլորտներին, 4-ը՝ երկրի պաշտպանությանը և ազգային անվտանգությանը և այլն:

Նախորդ նստաշրջանի ընթացքում քննարկված, սակայն անավարտ մնացած 15 օրենքների նախագծերից 6-ը ամբողջությամբ ընդունվեցին (3-ը՝ ՀՀ Կառավարության, 3-ը՝ ԱԺ պատգամավորների), իսկ մնացած 9-ը այդպես էլ չքննարկվեցին՝ ամբողջությամբ ընդունելու համար (3-ը՝ ՀՀ Կառավարության, 6-ը՝ ԱԺ պատգամավորների):

## **Ազգային ժողովը՝**

### **ա) լսեց**

1. ՀՀ Կենտրոնական բանկի 2005թ. տարեկան հաշվետվությունը,
2. ՀՀ Քաղաքացիական ծառայության խորհրդի 2004թ. գործնության մասին հաղորդումը,
3. Առաջին և ներկայիս ՀՀ մարդու իրավունքների պաշտպանների՝ «2005թ. ընթացքում ՀՀ մարդու իրավունքների պաշտպանի գործնության և երկրում մարդու իրավունքների ու հիմնարար ազատությունների խախտման մասին» տարեկան զեկույցները,
4. ՀՀ ԿԲ դրամավարկային քաղաքականության 2006թ. ծրագիրը.

### **բ) Հայաստանի III Հանրապետության պառլամենտարիզմի պատմության մեջ առաջին անգամ, համաձայն ՀՀ Սահմանադրության, փակ գաղտնի քվեարկությամբ ընտրեց՝**

- ՀՀ Արդարադատության խորհրդի 2 անդամներին՝ Ռ Ավագյանին և Գ. Բաղիրյանին,
- Արմեն Հարությունյանին՝ ՀՀ մարդու իրավունքների պաշտպանի պաշտոնում.

### **գ) քվեարկությամբ հաստատեց՝**

1. Պետական գույքի մասնավորեցման 2001-2003թթ. ծրագրի կատարման հաշվետվությունը,
2. Պետական բյուջեի 2005թ. տարեկան հաշվետվությունը.

Ընդունված պատգամավորական նախագծերի մեջ առավել մեծ թիվ են կազմում ՀՀ Ազգային ժողովում կոալիցիան ներկայացնող պատգամավորների հեղինակած նախագծերը:

Նստաշրջանի ընթացքում վավերացվեցին 39 միջազգային պայմանագրեր, որոնցից 10-ը տնտեսական բնագավառում համագործակցության մասին է, 4-ը՝ պաշտպանական, 6-ը՝ իրավական, 3-ը՝ սոցիալական, 6-ը՝ ֆինանսական և այլն:

Նստաշրջանի ընթացքում 21 պատգամավոր գրավոր և 83 պատգամավոր բանավոր հարցերով դիմել է ՀՀ կառավարությանը: 172 պատգամավոր հանդես է եկել հայտարարությամբ, որոնցից 49-ը վերաբերել են կառավարության գործունեությանը:

Նստաշրջանի աշխատանքների ավարտից հետո գումարվեց 2 արտահերթ նստաշրջան՝ մեկը ԱԺ-ի (հունիսի 15-ին) և մեկը ՀՀ Կառավարության (հուլիսի 6-ին) նախաձեռնությամբ: Արտահերթ նստաշրջանի ընթացքում, ընդհանուր առմամբ քննարկվեցին 14 օրենքների նախագիծ և նախագծերի փաթեթ, վավերացվեցին 3 միջազգային պայմանագրեր և ընդունվեց «Համաներում հայտարարելու մասին» ՀՀ ԱԺ-ի որոշումը:

Քննարկված նախագծերից 5-ը (բուլղոն էլ ՀՀ Կառավարության) ընդունվեցին երրորդ ընթերցմամբ և ամբողջությամբ, 8-ը՝ երկրորդ ընթերցմամբ և ամբողջությամբ (6-ը՝ ՀՀ Կառավարության, 2-ը՝ ԱԺ պատգամավորներինը) և ՀՀ Կառավարության նախաձեռնած արթոք. tex.doc

մեկ նախագծերի փաթեթ, այն է՝ «Հասարակության և պետության կարիքների համար սեփականության օտարման մասին», «ՀՀ Հողային օրենսգրքում փոփոխություններ կատարելու մասին» և «Քաղաքացիական օրենսգրքում փոփոխություններ կատարելու մասին», ընդունվեց առաջին ընթերցմամբ՝ մինչև աշնանային նստաշրջան լայն քննարկումներ կազմակերպելու և առաջարկություններ ընդունելու ակնկալիքով: